



UNIVERSITÄTS-
BIBLIOTHEK
PADERBORN

Universitätsbibliothek Paderborn

Johannis Meyeri S. Literarum Doct. & Prof. Uxor Christiana Sive De Conjugio Inter Duos Deque Incestu Et Divortiis, Dissertationes Tres

Meier, Johannes

Amstelædami, 1688

Cap. XI. De Regulis & Radicibus sive fundamentis interdictarum
nuditatum, juxta sententiam Sapientis Rabbenu Jeschuah, exhibitis ab Elia
ben Mosche in Tract. de Incestu cap. VI.

urn:nbn:de:hbz:466:1-40272

& matris *propinquas* vocat com. 12. 13. Sed *propinquæ propinquæ* propinqui partim sunt vetitæ, quales illæ (com. 17.) in linea ascendente, & partim non sunt vetitæ in linea collateralis, sicut filia patris mihi non est prohibita, quæ est propinqua propinquæ propinqui.

XI. Denique *octavam viam*, quæ mihi in Elia obscurior videbatur, Auctor hujus MS. sic explicat: הדרך השמיני הנודע מכה הדיבור ויקרא בערבי אל פחוי רוצה לומר משמע הרבוב כגון שאסר אמות האיש ממאמר אמך היא לא תגלה ערותה ומה שפירש החכם אל פחוי הוא כה הדיבור נראה לי שאינו כן אלא אמיתת אל פחוי הוא ההופעה רוצה לומר שבאמרו אמך מופיע הענין כל אם בכחו עד חוה שנאמר כי Octavus modus prohibitionis comprehendit quicquid notum est ex vi sermonis, & vocatur in Arabica lingua אל פחוי id est sensus sermonis, sive quod in aliquo dicto subintelligitur: sicut prohibentur viro matres, ex eo quod dicitur, mater tua est, ne retege nuditatem ejus (Lev. xviii. 7.) Quod autem Sapiens explicat אל פחוי quasi significet vim sermonis, id mihi non videtur, sed vere significat illustrationem s. declarationem; id est, quando dicitur, mater tua, id declarat denotari vi vocis istius omnem matrem, ad Evam usque, de qua dicitur, quod sit mater omnium viventium (Gen. iii. 20.)

CAPUT XI.

De Regulis & radicibus sive fundamentis interdictarum nuditatum, juxta sententiam Sapientis Rabbenu Jechuah, exhibitis ab Elia Ben Mosche in Tractatu de Incestu Cap. vi.

Radix sive regula prima est, שאריו ששה אסור האיש על ששה שאריו homini sex propinquis suis interdici, qui sunt pater & mater ejus, frater & soror ejus, filius & filia ejus, quod constat ex Traditione, in qua omnes Israelitæ conveniunt, idemque evidens est ex Scriptura. De patre & de matre probatur, quia scriptum (Lev. xviii. 7.) *Nuditatem patris tui & nuditatem matris tue ne retegio.* De sorore probatur ex eo, quod legimus (com. 9.) *Nuditatem sororis tue.* De fratre ex eo, quod scriptum (com. 16.) *Nuditatem uxoris fratris tui.* De filio, quia dicitur (com. 15.) *Nuditatem nurus tue ne retegio.* Filia autem prohibitio non refertur in Scriptura; prohibitam tamen esse, constat per argumentum a fortiore. Si enim filia filia & filia filii prohibentur (com. 10.) multo magis filia ipsa. In illis sex propinquis foeminae per se sunt prohibita, sed interdictum, quo mares prohibentur, transit ad eorum foeminas. Interim hic advertendum, argumen-

ratio-

tationem deduci ex Scriptura, non argumentationem ex argumentatione. Exempli gratia *viro* prohibita est mater, quæ est propinqua ejus, aut alia femina quæ illâ remotior est in causa propinquitatis, sicut soror adjectitia, sive quasi soror ei quoque prohibita est, sed ipsi soli; unde non inferendum hujus quasi sororis maritum etiam esse prohibitum isti *viro*, ut prohibitio mariti se transferat ad istius *viri uxorem*. Putat ergo, sororem meam, novercæ filiam mihi esse vetitam, sed ejus maritum non esse vetitum meæ uxori. Prohibuit etiam Rabbenus Jeschuah matres matrum sursum, ex eo, quod dicitur (com. 7.) *mater tua est*, & patrem patris usque ad primum Adamum per argumentationem, cujus interdictum transit ad uxorem ejus; item filium, filii filium, fratrem & fratris filium deorsum, filiam & sororem deorsum.

II. Regula secunda est, *אכור דאיש על שאר שארו* homini interdici propinquo & propinqua propinqui sui, quales sunt frater & soror patris, frater & soror matris, filia filii & filius filii, filia filia, & filius filia, filia sororis, & filius sororis, filius fratris & filia fratris. Hi omnes vocantur propinqui propinquorum suorum. Atque hæc regula oritur ex illis dictis (com. 12. 13.) *nuditatem sororis patris tui, nuditatem sororis matris tue, propinqua patris tui, propinqua matris tue est*. item, *nuditatem filia filii tui, aut filia filia tua ne retegito* (com. 10.) ubi iterum interdicta, quibus prohibentur mares, ad feminas transcunt. Propinquus autem propinqui vocatur propinquus, ex eo, quod scriptum, *nuditatem sororis patris tui, & nuditatem sororis matris tue ne retegito, nam propinquum suum nudavit*. (Lev. xvi. 11. 12. 13. xx. 11.) item, *propinque sunt, scelus est*. (com. 17. cap. 18.) Ergo & hæc regula sub illo genere comprehenditur (com. 6.) *Nemo ad ullum propinquum carnis suæ accedito*. Quod est genus, omnes istas regulas sub se comprehendens, quæ sunt ut species. Et propinquus propinqui semper est prohibitus in radicibus, ramis & alis, sive in ascendentibus, descendantibus & collateralibus. Prohibemus autem secundum Scripturam propinquos propinqui duntaxat; verum propinquus propinqui propinqui non est in genere prohibitus, sed tantum in radicibus & ramis, sive ascendentibus & descendantibus, in alis sive collateralibus non item. Filia enim patris & filia amitæ sunt propinquæ patris & amitæ, sed permixtæ sunt, uti constat ex eo, quod dicitur (Num. xxxvi. 11.) *Nupservnt filiis patruorum suorum*. Alias etiam prohibitus est

propinquus propinqui propinqui. In prohibitione propinquo-
rum propinqui semper ulterius ascendere licet, sed non omnes de-
scendentes sunt prohibiti, cum filia patris & filia amitæ sint licitæ,
multo magis earum filia. Sed hujus hominis filius, & filii filius, &
filii nepos in linea descendente omnes amitæ patris sui sunt prohibiti.

III. Tertia regula continet אסור האיש על שני שארים *interdictum*,
quo viro prohibentur binæ propinquæ, ex eo, quod scriptum legitur
(Lev. XVIII. 17.) *nuditatem mulieris & filia ejus ne retegito*, valet-
que in radicibus, ramis & alis: mulier & pater ejus, mulier &
mater ejus, mulier & frater ejus, mulier & soror ejus, mulier &
filius ejus, mulier & filia ejus prohibentur. Hæ omnes mulieres
per se sunt prohibitæ, sed virorum prohibitio sese ad uxores trans-
fert. Et quamvis mulieres, quarum mentionem fecimus in pri-
ma regula, nempe uxor patris, uxor fratris, uxor filii, prohibitæ
sint respectu maritorum suorum, sunt tamen etiam ab hac parte
prohibitæ, quod duæ propinquæ uni personæ sint prohibitæ.

IV. In Quarta regula, אסור האיש על גוף ושאר שארו *homini inter-*
dictum persona & propinqua propinqua ejusdem. Prohibentur ergo
fœmina & filia filia ejus, fœmina & filia sororis ejus, fœmina &
filius filii ejus, fœmina & pater patris ejus, fœmina & mater
matris, fœmina & filia fratris, atque in genere persona ac
propinquus propinqui ejus unius personæ, in radicibus, in ramis
& lateribus. Atque iterum fœminæ in se prohibentur, sed viro-
rum prohibitio ad fœminas transit, ex eo quod scriptum (Lev.
XVIII. 17.) *nuditatem mulieris & filia ejus ne retegito*, filiam
filii ejus, aut filiam filia ejus ne accipito ad retegendam nuditatem
ejus, proximæ ejus sunt, scelus est. Idemque probari potest ex
eo, quod scriptum (com. 14.) *Nuditatem patris tui ne retegito, ad*
uxorem ejus ne appropinquato. Vir enim cum patruo suo est persona
& propinquus propinqui ejus, qui sunt prohibiti uni personæ, etsi
prohibitio ejus etiam sequatur & colligatur ex regula secunda: cum
patris prohibitio transeat ad uxorem ejus.

V. Quinta regula agit de אסור האיש על שני שארים *interdicto*,
quo bini propinqui binis propinquis prohibentur, quia scriptum legitur
(Lev. XVIII. 11.) *Nuditatem filia uxoris patris tui, genita a patre so-*
ror tua est, hujus ne retegito nuditatem. Vir cum filio suo sunt duo
propinqui, & fœmina cum filia sunt duæ propinquæ. & ita duo
fratres se habent ad duas sorores, & duo fratres ad matrem & fili-
am,

am, & duæ sorores ad virum & filium ejus. Comprehendit ergo duos propinquos duabus propinquis vetitos, in radicibus, in ramis & alis sive collateralibus. Ex hac regula duo fratres analogici sive improprie dicti uni personæ sunt vetiti. Conf. supra Cap. v. Th. xvii. ubi plura ex hac regula citavimus.

VI. Denique fundamentum seu regula, quæ sextum locum occupat, est *אשר שאר שאר על גוף שאר שני שאר אכור שני* qua interdicitur bini propinqui persona & propinquo propinqui ejusdem persona, וולת הכופים וולת הכפרים בקרים ובפרחים וולת הכופים וולת הכפרים, sive in linea recta, non in collateralibus. Hæc est regula Rabbenu Jeschuae, qui eam per prævalentiam fecit ex eo, quod scriptum (vers. 14.) *Nuditatem patru tui ne retegito, ad uxorem ejus ne appropinquato, amita tua est.* Quia in eo non addidit vocem *אשר* propinquitatis, sicut (vers. 12. 13.) de sorore patris & matris, debet vox *אשר* de vero & adjectitio s. quasi fratre intelligi. Idem probatur ex illo (v. 17.) *Nuditatem mulieris & filia ejus ne retegito; filiam filii ejus aut filiam filie ejus ne accipito, ad retegendam nuditatem ejus, proxima ejus sunt, scelus est.* Ubi filia filiae, quæ est propinqua propinquæ, a Scriptura vocatur *אשר propinqua*. Summa rei est, quod bini propinqui interdicitur persona & propinquo propinqui in linea recta, non in collateralibus, ex illo dicto (Num. xxxv. 11.) *Nupserunt filis patruorum suorum.* sicut supra exposuimus.

VII. Septimum denique & ultimum Caput Eliæ Karæi *Tractatus de Incestu* agit de tabellis, quas regulis adjecit, quomodo in illis statim inveniri queat casus matrimonialis, de quo quæritur, v. gr. Regulæ primæ hanc apponit tabellam:

א	ב	ג	1	2	3
אשה	אב	ראש	Vir	pater	uxor
אשה	אם	אשה		mater	
אשה	אח	אשה		frater	uxor
אשה	אחות			foror	
אשה	בן	אשה		filius	uxor
	בת			filia	

Ubi uni viro pater i. e. uxor ejus, & mater: frater i. e. uxor ejus & foror: filius i. e. uxor ejus & filia prohibentur, juxta regulæ explanationem. Atque ita de cæteris.